



ԳՆՈՒՄՆԵՐԻ ԲՈՂՈՔԱՐԿՄԱՆ ԽՈՐՀՈՒՐԴ

ք. Երևան

06.03.2017թ

Ո Ր Ո Շ ՈՒ Մ

ՀՀ գնումների բողոքարկման խորհրդի

ՍՑ-ԳԲԽ-04/17

ՀՀ գնումների բողոքարկման խորհրդի (այսուհետ նաև՝ Խորհուրդ) քննող հանձնաժողովը՝ գործելով Խորհրդի անունից և ուսումնասիրելով ՀՀ ֆինանսների նախարարության 20.01.2017թ. թիվ 03/73-1/648-17 գրությամբ ներկայացված «Խաչատուրյանի Բիլդիգ Գրուպ» ՍՊԸ-ին (ՀՎՀՀ՝ 0471575) գնումների գործընթացին մասնակցելու իրավունք չունեցող մասնակիցների ցուցակում ներառելու պաշտոնական ընթացակարգով նախաձեռնած բողոքը (այսուհետ նաև՝ ՍՑ-ԳԲԽ-04/17 բողոք), ինչպես նաև ՍՑ-ԳԲԽ-04/17 բողոքի վերաբերյալ «Գնումների աջակցման կենտրոն» ՊՈԱԿ-ի (այսուհետ նաև՝ Կենտրոն) 01.03.2017թ. ներկայացրած եզրակացությունը, պարզեց.

1. ՀՀ ֆինանսների նախարարության ներկայացրած պահանջը

ՀՀ ֆինանսների նախարարությունը, ՀՀ ՔՆ «Քաղաքաշինական ծրագրերի իրականացման գրասենյակ» ՊՀ-ի 17.10.2016թ. թիվ ՄՔ/1-311-16 և 10.10.2016թ. թիվ ՄՔ/1-293-16 գրությունների հիման վրա, 21.10.2016թ. թիվ 03/73-1/24125-16 գրությամբ դիմել է «Գնումների աջակցման կենտրոն» ՊՈԱԿ-ին (այսուհետ նաև՝ Կենտրոն)՝ խնդրելով ուսումնասիրել «Խաչատուրյանի Բիլդիգ Գրուպ» ՍՊԸ-ին (այսուհետ նաև՝ Ընկերություն) գնումների գործընթացին մասնակցելու իրավունք չունեցող

մասնակիցների ցուցակում (այսուհետ՝ Ցուցակ) ներառելու հիմքերը և այդպիսի հիմքերի առկայության դեպքում ձեռնարկել անհրաժեշտ միջոցներ վերը նշված մասնակցին Ցուցակում ներառելու համար:

ՀՀ ՔՆ «Քաղաքաշինական ծրագրերի իրականացման գրասենյակ» ՊՀ-ն 23.09.2016թ. թիվ ՄՔ/1-239-16, 17.10.2016թ. թիվ ՄՔ/1-311-16 և 10.10.2016թ. թիվ ՄՔ/1-293-16 գրություններով ներկայացրել է «ՔՆՔԾԻԳ-ԲԸՀԱՇՁԲ-16/11» ծածկագրով բանակցային ընթացակարգին (այսուհետ նաև՝ Ընթացակարգ) վերաբերող փաստաթղթերը:

Կենտրոնը 30.12.2016թ. թիվ 01/04.1/4831-16 գրությամբ ՀՀ ֆինանսների նախարարության 21.10.2016թ. թիվ 03/73-1/24125-16 գրության հիման վրա «Գնումների աջակցման կենտրոն» ՊՈԱԿ-ում կատարված ուսումնասիրության արդյունքում ներկայացրել է եզրակացություն, որով Կենտրոնն արձանագրել է «Խաչատուրյանի Բիլդինգ Գրուպ» ՍՊԸ-ի կողմից «ՔՆՔԾԻԳ-ԲԸՀԱՇՁԲ-16/11» ծածկագրով բանակցային ընթացակարգի շրջանակներում «Գնումների մասին» ՀՀ օրենքի 5-րդ հոդվածի 1-ին մասի 4-րդ կետի «ա» ենթակետով նախատեսված խախտում առկա չէ:

Սակայն, ՀՀ ֆինանսների նախարարությունը, ղեկավարվելով Կարգի 124-րդ կետով, 20.01.2017թ. թիվ 03/73-3/648-17 գրությամբ հանձնարարել է Կենտրոնին նախաձեռնել «Խաչատուրյանի Բիլդինգ Գրուպ» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու պաշտոնական ընթացակարգ:

2. «Խաչատուրյանի Բիլդինգ Գրուպ» ՍՊԸ-ի ներկայացրած փաստարկները և դիրքորոշումը

Կենտրոնը 28.10.2016թ. թիվ 01/04.1/3930-16 գրությամբ կարծիք ստանալու նպատակով դիմել է «Խաչատուրյանի Բիլդինգ Գրուպ» ՍՊԸ-ին:

Ընկերությունը 18.11.2016թ. գրությամբ Կենտրոնին հայտնել է, որ «Խաչատուրյանի Բիլդինգ Գրուպ» ՍՊԸ-ն Ընթացակարգի գնահատող հանձնաժողովի 24.08.2016թ. թիվ 2 արձանագրության 3-րդ կետի 3.1 ենթակետի համաձայն ճանաչվել է առաջին տեղ զբաղեցրած մասնակից, իսկ 31.08.2016թ. թիվ 3 արձանագրության 2-

րդ կետի 2.2 ենթակետի համաձայն՝ Ընկերության կողմից ներկայացված որակավորման պահանջների իր համապատասխանությունը հիմնավորող փաստաթղթերում բացակայում են հայտը ներկայացնել տարվա և դրան նախորդող երեք տարիների ընթացքում համանման պատշաճ ձևով իրականացնելու վերաբերյալ փաստաթղթերը և 3-րդ կետի 3.1 ենթակետի համաձայն՝ հանձնաժողովի քարտուղարն 31.08.2016թ. էլոկտրոնային եղանակով ծանուցել է առաջին տեղը զբաղեցրած մասնակցին առաջարկելով մեկ աշխատանքային օրվա ընթացքում շտկել անհամապատասխանությունը:

Ընկերությունը տեղեկացրել է, որ վերջինս 01.09.2016թ. էլեկտրոնային փոստով Պատվիրատուին է ուղարկել որակավորման չափանիշները հիմնավորող փաստաթղթերը, որը հավաստվել է տվյալ փաստաթղթերը Պատվիրատուի էլեկտրոնային հասցեին ուղարկելու վերաբերյալ (khach_bild_group@rambler.ru) էլեկտրոնային հասցեի քաղցածքով:

3. ՀՀ ՔՆ «Քաղաքաշինական ծրագրերի իրականացման գրասենյակ» ՊՀ-ի ներկայացրած փաստարկները և դիրքորոշումը

ՀՀ ՔՆ «Քաղաքաշինական ծրագրերի իրականացման գրասենյակ» ՊՀ-ն 23.09.2016թ. թիվ ՄՔ/1-239-16, 17.10.2016թ. թիվ ՄՔ/1-311-16 և 10.10.2016թ. թիվ ՄՔ/1-293-16 գրություններով ներկայացրել է «ՔՆԲԾԻԳ-ԲԸՀԱՇՁԲ-16/11» ծածկագրով բանակցային ընթացակարգին վերաբերող փաստաթղթերի պատճենները:

4. ՍՑ-ԳԲԽ-04/17 բողոքի վերաբերյալ «Գնումների աջակցման կենտրոն» ՊՈԱԿ-ի դիրքորոշումը

«Գնումների աջակցման կենտրոն» ՊՈԱԿ-ը Խորհրդին է ներկայացրել իր 01.03.2017թ. եզրակացությունը և առաջարկել է ՀՀ ֆինանսների նախարարության 20.01.2017թ. թիվ 03/73-1/648-17 գրությամբ ներկայացված «Խաչատուրյանի Բիլդինգ

Գրուպ» ՍՊԸ-ին (ՀՎՀՀ՝ 0471575) գնումների գործընթացին մասնակցելու իրավունք չունեցող մասնակիցների ցուցակում ընդգրկելու պաշտոնական ընթացակարգով նախաձեռնած բողոքը մերժել:

5. ՍՑ-ԳԲԽ-04/17 պաշտոնական ընթացակարգով նախաձեռնված բողոքի քննության համար էական նշանակություն ունեցող փաստերը

ՀՀ ֆինանսների նախարարության 20.01.2017թ. թիվ 03/73-1/648-17 գրությամբ ներկայացված «Խաչատուրյանի Բիլդինգ Գրուպ» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու պաշտոնական ընթացակարգով նախաձեռնած բողոքի քննության համար էական նշանակություն ունեն հետևյալ փաստերը՝

1. ՀՀ ՔՆ «Քաղաքաշինական ծրագրերի իրականացման գրասենյակ» ՊՀ-ի կողմից կազմակերպվել է «ՔՆՔԾԻԳ-ԲԸՀԱՇՁԲ-16/11» ծածկագրով բանակցային ընթացակարգ, որին մասնակցելու նպատակով հայտ է ներկայացրել նաև «Խաչատուրյանի Բիլդինգ Գրուպ» ՍՊԸ-ն:

2. 24.08.2016թ. թիվ 2 արձանագրության 3-րդ կետի 3.1 ենթակետի համաձայն ճանաչվել է առաջին տեղ զբաղեցրած մասնակից, իսկ 31.08.2016թ. թիվ 3 արձանագրության 2-րդ կետի 2.2 ենթակետի համաձայն Ընկերության կողմից ներկայացված որակավորման պահանջների իր համապատասխանությունը հիմնավորող փաստաթղթերում բացակայում են հայտը ներկայացնել տարվա և դրան նախորդող երեք տարիների ընթացքում համանման պատշաճ ձևով իրականացնելու վերաբերյալ փաստաթղթերը և 3-րդ կետի 3.1 ենթակետի համաձայն՝ հանձնաժողովի քարտուղարն 31.08.2016թ. էլեկտրոնային եղանակով ծանուցել է առաջին տեղը զբաղեցրած մասնակցին առաջարկելով մեկ աշխատանքային օրվա ընթացքում շտկել անհամապատասխանությունը:

- 02.09.2016թ. ժամը 16:00-ին տեղի ունեցած նիստի թիվ 4 արձանագրության 1-ին կետի 1.1 ենթակետի համաձայն՝ Ընթացակարգի առաջին տեղ զբաղեցրած «Խաչատուրյանի Բիլդինգ Գրուպ» ՍՊԸ-ն հրավերով սահմանված

ժամկետում չի ներկայացրել որակավորման չափանիշները հիմնավորող փաստաթղթերը:

3. Ընկերությունը Կենտրոնին է ներկայացրել Ընթացակարգի հրավերով պահանջվող որակավորման պահանջներին մասնակցի համապատասխանությունը հիմնավորող փաստաթղթերը «Խաչատուրյանի Բիլդինգ Գրուպ» ՍՊԸ-ի էլեկտրոնային հասցեից (**khach_bild_group@rambler.ru**) Պատվիրատուի էլեկտրոնային հասցեին (**urbanpiu.gnumner3@gmail.com**) ուղարկելու վերաբերյալ համապատասխան էլեկտրոնային քաղցածքները:

4. ՀՀ ֆինանսների նախարարությունը, ՀՀ ՔՆ «Քաղաքաշինական ծրագրերի իրականացման գրասենյակ» ՊՀ-ի 17.10.2016թ. թիվ ՄՔ/1-311-16 և 10.10.2016թ. թիվ ՄՔ/1-293-16 գրությունների հիման վրա, 21.10.2016թ. թիվ 03/73-1/24125-16 գրությամբ դիմել է Կենտրոնին՝ խնդրելով ուսումնասիրել «Խաչատուրյանի Բիլդինգ Գրուպ» ՍՊԸ-ին Ցուցակում ներառելու հիմքերը և այդպիսի հիմքերի առկայության դեպքում ձեռնարկել անհրաժեշտ միջոցներ վերը նշված մասնակցին Ցուցակում ներառելու համար:

5. Կենտրոնը 30.12.2016թ. թիվ 01/04.1/4831-16 գրությամբ ՀՀ ֆինանսների նախարարության 21.10.2016թ. թիվ 03/73-1/24125-16 գրության հիման վրա «Գնումների աջակցման կենտրոն» ՊՈԱԿ-ում կատարված ուսումնասիրության արդյունքում ներկայացրել է եզրակացություն, որով Կենտրոնը հայտնել է, որ «Խաչատուրյանի Բիլդինգ Գրուպ» ՍՊԸ-ի կողմից «ՔՆՔԾԻԳ-ԲԸՀԱՇՁԲ-16/11» ծածկագրով բանակցային ընթացակարգի շրջանակներում «Գնումների մասին» ՀՀ օրենքի 5-րդ հոդվածի 1-ին մասի 4-րդ կետի «ա» ենթակետով նախատեսված խախտում առկա չէ:

6. ՀՀ ֆինանսների նախարարությունը, ղեկավարվելով Կարգի 124-րդ կետով, 20.01.2017թ. թիվ 03/73-1/648-17 գրությամբ հանձնարարել է Կենտրոնին նախաձեռնել «Խաչատուրյանի Բիլդինգ Գրուպ» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու պաշտոնական ընթացակարգ:

6. Խորհրդի հիմնավորումները և եզրահանգումը

Խորհուրդն՝ ուսումնասիրելով ՀՀ ֆինանսների նախարարության 21.10.2016թ. թիվ 03/73-1/24125-16 և 20.01.2017թ. թիվ 03/73-3/648-17 գրությունները, ՀՀ ՔՆ «Քաղաքաշինական ծրագրերի իրականացման գրասենյակ» ՊՀ-ի 17.10.2016թ. թիվ ՄՔ/1-311-16, 10.10.2016թ. թիվ ՄՔ/1-293-16 և 16.01.2017թ. թիվ ՄՔ/1-10-17 գրությունները և կից փաստաթղթերը, «Խաչատուրյանի Բիլդինգ Գրուպ» ՍՊԸ-ի 18.11.2016թ. Կենտրոնին ուղղված գրությունը, «ՔՆ-ՔԾԻԳ-ԲԸՀԱՇՁԲ-16/11» ծածկագրով բանակցային ընթացակարգին մասնակցելու նպատակով Ընկերության ներկայացրած հայտը, հայտնում է հետևյալը.

«Գնումների մասին» ՀՀ օրենքի (այսուհետ՝ Օրենք) 5-րդ հոդվածի 1-ին մասի 4-րդ կետի «ա» ենթակետի համաձայն՝ մասնակիցն ընդգրկվում է գնումների գործընթացին մասնակցելու իրավունք չունեցող մասնակիցների ցուցակում, եթե հայտը ներկայացնելու պահին նախորդող տարվա ընթացքում ավելի քան մեկ անգամ խախտել է պայմանագրով նախատեսված կամ գնման գործընթացի շրջանակում ստանձնած պարտավորություն, որը հանգեցրել է պատվիրատուի կողմից պայմանագրի միակողմանի լուծմանը կամ գնման գործընթացին տվյալ մասնակցի հետագա մասնակցության դադարեցմանը:

Օրենքի 31-րդ հոդվածի 5-րդ մասի 1-ին կետի համաձայն՝ առաջին և հաջորդաբար տեղերը զբաղեցրած մասնակիցներին որոշելուց հետո՝ հրավերով սահմանված ժամկետում՝ առաջին տեղը զբաղեցրած մասնակիցը հանձնաժողովին է ներկայացնում իր՝ գնումներին մասնակցելու իրավունքը և հրավերով նախատեսված որակավորման չափանիշներին համապատասխանությունը հիմնավորող՝ հրավերով նախատեսված փաստաթղթերը (տեղեկությունները):

ՀՀ կառավարության 10.02.2015թ. N 168-Ն որոշմամբ հաստատված «Գնումների գործընթացի կազմակերպման» կարգի (այսուհետ նաև՝ Կարգ) 47-րդ կետի 2-րդ ենթակետի համաձայն՝ հայտերի բացման նիստի ավարտին հաջորդող աշխատանքային օրը հանձնաժողովի քարտուղարն էլեկտրոնային եղանակով ծանուցում է առաջին տեղը զբաղեցրած մասնակցին՝ առաջարկելով երեք աշխատանքային օրվա ընթացքում ներկայացնել որակավորման չափանիշները հիմնավորող՝ հրավերով նախատեսված փաստաթղթերը, իսկ ապրանքների գնման դեպքում նաև նույն կարգի 35-րդ կետի 1-ին ենթակետի «գ» պարբերությամբ

նախատեսված փաստաթուղթը: Նույն մասով սահմանված ժամկետում փաստաթղթերը չներկայացվելու դեպքում հանձնաժողովը մերժում է առաջին տեղը զբաղեցրած մասնակցի հայտը և փաստաթղթեր ներկայացնելու պահանջ է ներկայացնում հաջորդող տեղը զբաղեցրած մասնակցին:

Ընթացակարգի գնահատող հանձնաժողովի 24.08.2016թ. թիվ 2 արձանագրության 3-րդ կետի 3.1 ենթակետի համաձայն՝ Ընկերությունը ճանաչվել է առաջին տեղ զբաղեցրած մասնակից, իսկ 31.08.2016թ. թիվ 3 արձանագրության 2-րդ կետի 2.2 ենթակետի համաձայն Ընկերության կողմից ներկայացված որակավորման պահանջների իր համապատասխանությունը հիմնավորող փաստաթղթերում բացակայում են հայտը ներկայացնել տարվա և դրան նախորդող երեք տարիների ընթացքում համանման պատշաճ ձևով իրականացնելու վերաբերյալ փաստաթղթերը և 3-րդ կետի 3.1 ենթակետի համաձայն՝ հանձնաժողովի քարտուղարն 31.08.2016թ. էլեկտրոնային եղանակով ծանուցել է առաջին տեղը զբաղեցրած մասնակցին առաջարկելով մեկ աշխատանքային օրվա ընթացքում շտկել անհամապատասխանությունը:

Ընթացակարգի գնահատող հանձնաժողովի 02.09.2016թ. ժամը 16:00-ին տեղի ունեցած նիստի թիվ 4 արձանագրության 1-ին կետի 1.1 ենթակետի համաձայն՝ Ընթացակարգի առաջին տեղ զբաղեցրած «Խաչատուրյանի Բիլդինգ Գրուպ» ՍՊԸ-ն հրավերով սահմանված ժամկետում չի ներկայացրել որակավորման չափանիշները հիմնավորող փաստաթղթերը:

Միևնույն ժամանակ, Ընկերությունը Կենտրոնին է ներկայացրել Ընթացակարգի հրավերով պահանջվող որակավորման պահանջներին մասնակցի համապատասխանությունը հիմնավորող փաստաթղթերը «Խաչատուրյանի Բիլդինգ Գրուպ» ՍՊԸ-ի էլեկտրոնային հասցեից (khach_bild_group@rambler.ru) Պատվիրատուի էլեկտրոնային հասցեին (urbanpiu.gnumner3@gmail.com) ուղարկելու վերաբերյալ համապատասխան էլեկտրոնային քաղցածքները:

Խորհուրդը արձանագրում է, որ «Խաչատուրյանի Բիլդինգ Գրուպ» ՍՊԸ-ն «ՔՆՔԾԻԳ-ԲԸՀԱՇՁԲ-16/11» ծածկագրով բանակցային ընթացակարգի շրջանակում ստանձնած պարտավորություն չի խախտել:

Ելնելով վերոգրյալից և ղեկավարվելով «Գնումների մասին» ՀՀ օրենքի 48-րդ հոդվածի 6-րդ մասի 7-րդ կետով՝ ՀՀ գնումների բողոքարկման խորհուրդը

Ո Ր Ո Շ Ե Ց

ՀՀ ֆինանսների նախարարության 20.01.2017թ. թիվ 03/73-1/648-17 գրությամբ ներկայացված «Խաչատուրյանի Բիլդինգ Գրուպ» ՍՊԸ-ին (ՀՎՀՀ՝ 0471575) գնումների գործընթացին մասնակցելու իրավունք չունեցող մասնակիցների ցուցակում ընդգրկելու պաշտոնական ընթացակարգով նախաձեռնած բողոքը մերժել:

ՀՀ գնումների բողոքարկման խորհրդի որոշումն իրավապարտադիր է:


ՀՀ գնումների բողոքարկման խորհրդի կայացրած որոշումը կարող է բողոքարկվել դատական կարգով:

Բողոքը քննող հանձնաժողով՝

Նախագահ՝



Անդամ՝



Գևորգ Հայրապետյան

Արմինե Նամալյան